Des hatts in all den vieln Gahrn noch nie gabn...

...när ganze 6 Vereinsobnde

...kaane Weihnachtsfeier

...kenn Märchnimzug

...kenn Weihnachtsmarkt

...kaane Weihnachtsauffiehring

...när wenich Leit an Heilichobnd

...kaa Innernacht am Hang

...kaa Silvesterfeier

...kaa Feierwark

...un aa in Aue kaane Voranstaltung mit ne Erzgebirgsensemble, des gabs in all den 57 Gahrn noch nie!

...kaa Silvesterkonzert!

Im neie Gahr werd bestimmt allis wieder besser!??!







Blattl-Fotos: M. Schürer, R. Tittel, G. Schmidt, Internet freie clips, EHV- Archiv



Erzgebirgischer Heimatverein Eibenstock e.V. Otto-Findeisen-Str. 14 08309 Eibenstock

Tel. 037752 / 2666 oder 2141 Internet:

Bankverbindung: Erzgebirgssparkasse IBAN: DE90 8705 4000 3892 2072 58 www.heimatverein-eibenstock.de BIC: WELADED1STB

Unner Blatt I



Nummer 190

Mitteilungsblatt des Erzgebirgischen Beimatvereines Eibenstock e. 3.

Januar 2021



Dor nächste Winter kimmt ganz bestimmt ím neie Gahr, oder ???

Gesundheit und alles Gute im Neuen Jahr wünschen wir all unseren Mitgliedern und Freunden! Innern Innernet-Weihnachtskalanner hob iech e Gedichtl gefundn, do is nu schu des hoffntlich aanzichartichste Weihnachtsfast 2020 Geschichte, aber iech dacht, des kennt ja net schodn, wenn mers noch Aafang Januar laasn tut. Geschriebn wurn isis in huchneideitsch vunnern gewissn Alfons Pillach. Die Fremdsproch "Huchdeitsch" musstn mir ja alle in dor Schul bei unnern Ehrnmitglied, in Baumann-Er, lerne. Aber iech kunnt net annersch, iech musst des Ganze aafach in unnere arzgebirgische Haamit-Muttersproch su racht un schlacht iebersetzn, su des is vor unner Blattl geeichnt is:

Dor Irrflug vu nern Weihnachtsengl



E Weihnachtsengel flog un flog
Un als ar im de Eck rim bog,
do war de Walt schu friehlingshaft
un de Natur in frischm Saft.

De Menschn trogn schu Friehlingstrachtn
Gar fern war do sei schenns Weihnachtn.
Dar Engel hat siech do geirrt
un war durchs Friehlingsland geschwirrt.

Vorwunnert flog ar iebers Land wu ar net mol när enn Christbaum fand. Net zugefrorn war do dar See Des Land war grie, is log kaa Schnee. In weihnachtlicher Garnitur flog weiter ar, denn ar war stur un hätt doch niemals in sein Labn den Irrflug aafach aufgegabn. Ar staunt nu laut: "Wu iech när bi? Wu is dä nu des Christkinl hie?"





Bal flog ar wetter uhne Pause, ar wollt ins Weihnachtsland - nach Hause. Doch weil dar Engel lässich war do geriet ar schließlich in Gefahr. Ar schaut net links un aa net rachts, flog in den Schnabl eines Spachts Ar knallte gegn ne gruße Eule kricht enn Schlog, wie mit nor Keule. Des half jedoch des ar dorwachte un ganz dorlöst vun Traam ar lachte: Vorbei war nu sei schrächer Traam Ar hing als Schmuck am Weihnachtsbaam!

Wir gratulieren unseren Heimatfreunden

Ulli Limpert	am 06.01.	zum 64. Geburtstag
Viola Heinz	am 10.01.	zum 55. Geburtstag
Matthias Barth	am 17.01.	zum 64. Geburtstag
Uwe Staab	am 22.01.	zum 59. Geburtstag
Ute Haese	am 24.01.	zum 73. Geburtstag
Martina Wiech	am 25.01.	zum 63. Geburtstag
Andrea Barth	am 27.01.	zum 62. Geburtstag
Siegfried Schmidt	am 27.01.	zum 82. Geburtstag
Bärbel Radecker	am 29.01.	zum 74. Geburtstag



Jeder, der sich die Fähigkeit erhält, Schönes zu erkennen, wird nie alt werden.

- F. Kafka -



Gemäß dor Hygenie-Vorgabn sei in dor erschtn Januarwoch de Revision – also de Galdzählerei un Ieberwachung – un aa ne Vürstandssitzung in Etappn odei ieber sue moderns Hoom-Offiss mit Kompjuterbildschirmle geplant





Dor Jahrplan for 2021 kaa also noch net feststieh, die Terminle müssn mir erscht emol of uns zu komme lessn.

Aber seid net besorcht – suball mir ewos wissn, kimmts garantiert zeitich genuch nein Blattl un in unnere Innernetseit!


Dorinnerunge...

In mein 32 Gahrn im Kulturhaus Aue hab iech viele Künstler dorwagn aus aller Walt kenne - un achtn gelernt. Vun Frank Schöbel un dor Chris Doerk, Manfred Krug, Chris Norman, Jürgen von der Lippe, de Wildecker Herzbubn oder aber aa solche internationaln Tanzgruppn wie is afrikanische Senegal-Ballett. Von jedn kennt mer ne klaane Begabnheit berichtn, manniche warn aa unnahbar, aber mit de meestn kunnt mer schue paar Wort wachsln, un wenns när mol e paar Brockn englisch gewaasn sei. Zen Beispiel mit de Senegaler: Do sei kaane Wort gewachslt wurn, när mit dane ihrn Männechor. Un mit den hattn mir eweng Ärcher. Wagn dene schenn Nackitn warn alle Bedienstn vun Kulturhaus of dor Seitnbühne, wetter naa sei mor net kumme. weil - do ham schu de dunkln Manner auf ihre Weibsn aufgepasst. Un der Männercher hat uns dann dorvu gescheicht, mir tätn när stern.

Itze in dare schwarn Zeit, wus im unnere Gesundhaat un gegnseitichs Halfn gieht, musst iech aber wieder mol an Jonny Hill un sein Lied vu "Teddybär 1-4" denkn. Iech glab, des war noch kurz vor dor Wende, do war ar innern Programm un hat des Lied als letztis gesunge. Des ging alln sehr nah. Wie dor letzte Ton vorklunge is, war eine Stille im Saal, dann sei se allezam aufgestandn, viel hattn Träne in de Aagn - iech aa – un dann kam sei vordienter langer Applaus vor sein guts Lied mit den ans Harz gingndn Text: (Ausschnitt)

... Der Diesel dröhnte neben mir, mein Funkgerät war an, als daraus die Stimme eines kleinen Jungen kam. Er sagte nur : "Kanal 1-4 ist hier irgendwer? Wenn. dann ruf mich doch zurück und sprich mit Teddybär" ... Jeden Tag von Früh bis Spät schalt ich den Kasten ein, sitz im Rollstuhl kann nicht gehen und bin hier ganz allein und meine Mutter arbeitet... Auch Daddy sprach von Unterwegs mit mir genauso wie jetzt Du Und eines Tages sagte er, mein Junge hör mir zu Einmal da nehm ich Dich mit raus, doch leider wurde nichts mehr draus"... Ich hörte die Enttäuschung, die aus diesen Worten klang. Ich war längst stehen geblieben, das packte mich doch an...Die letzte Kurve ich war da, ich glaubte nicht was ich da sah: Da standen 18 LKW's, ich war den Tränen nah. Sie hatten alles mitgehört und fuhren hin und her Ja, einer nach dem anderen fuhr eine Runde mit Teddybär! Ich war ganz als letzter dran und trug ihn auch wieder hinaus. Ich hab noch nie ein Kind gesehen, das so restlos glücklich war...









UNESCO-Welterbe Montanregion Erzgebirge / Krušnohoří – un unner Bergbaulehrpfad gehert dorzu!

Am 8.Oktober hatt unner Bürgermaaster zu ner Begehung vu unnern Bargbaulehrpfad eigelodn. Mit dorbei war dor Projektleiter, dor Thomas Helm, dor Stadt-Info-Chef Henry Pansch un vu unnern Haamitverein dor Matthias Schürer un iech, dor Schmidti.

Mir sollten uns mol e Bild machen, wie weit de Arbitn an Pfad voraakumme sei.

Die Bilder zeign, des schu e ganzer Taal geschafft is, dor Wag is gut begiehbar, Gelänner sei aagebracht, alle wichtign Bargbaurelikter sei gut ze sah un wern nu im Friehgahr mit Tafln vorsah, of dene de wichtigstn Dorlaiterunge beschriebn sei. Is is also schu viel passiert, aber bis zur

Is is also schu viel passiert, aber bis zu Fertichstellung gibt's noch allerhand ze tu.

De Finanziering, die ja bekanntlich ieber unnern Verein leeft, is in Sack un Tietn, wie mor esu sogt, also allis in Ordning. De aanzelnen Rachninge warn su wies sei muss orndlich geprieft un bezohlt.

Als Fazit bis dohie konntn mir feststelln, des allis beim 1. Bauabschnitt of nern gutn Wag is. Wenns de Coronazeit zulässt, kaa dor Fertichstellungstermin Ende April eigehaltn warn.

An dare Stell isis aa emol aagebracht, alln beteilichtn Handwarksbetriebn ze dankn vor ihre bishariche Arbit im Bargbaugeländ!

Ganz ze unnerer Fraad is, des de Fördermittl zur Finaziering vun zweetn Bauabschnitt aa schu durch sei un dodormit zielgericht des Bauwark wettergefiehrt warn kaa.

War siech eweng näher mit dar Sach beschäftign will, dar kaa allis, wos dor Helm, Thomas in Auerschbargbotn zur Geschicht vun Bargbau in unnerer Eimstocker Region voröffntlicht hat of unnerer Innernetseit www.heimatverein-eibenstock.de

hinnernanner waglaasn.

Viel Spaß dorbei! Eier Schmidti









Wißt ihr noch, wie schie des war: am Griene Grobn elang, ieber de Villa Waldhausn bis zu unnerer Waldschenk!







De Schmidt-Familien aus dor Faldstroß 8a un An dor Sosaer Stroß 2 un aa dor Schmidt-Hans ausn Weisflog-Haus in dor Unnerstadt sei im Gahr fei mindestns x-mol iebern Grien Grobn bis zur Waldschänk gewannert. Des war su e wunnerbarer Wag am Grabl lang, an Helbich-Teich vorbei un immer unnern schenn Wald mitsamt in Auerschbarg vor Aagn!

Dann gings an dor Villa "Waldhausen" vorbei - domols Ferienheim, do ham meine Leit 1954 sugar emol in FDGB-Urlaubsplatz kricht annern klenn Staahang dornabn is do is Wasser runnergesprudlt,un noocherts rachts wag nauf zur Staatsstroß, de letztn paar Meter zur "Waldschänk". Do gobs bein Fröhlich – Maxe immer in guten Kaffee un Kuchn for de Kinner un Weibsn un natierlich aa e guts Bierle for de Mannsn. Des war jeds mol e richtich guter Familienausflug.

Meh ham mir dozemol net gebraucht, dodormit warn mir glicklich

un zefriedn!

